

儀

禮

正

義

儀禮正義卷四十

鄭氏注

績溪胡培翬學

主人降南面拜眾賓于門東三拜眾賓門東北面皆答壹

拜賓一拜於門東明少南就之也言三拜者眾賓賤旅之也眾

為疏正義曰自此至主人就筵皆均神惠之事凡七節獻

賓四也獻兄弟五也獻內賓六也獻私人七也主人拜眾

賓將獻之也。此眾賓亦兼長賓在內。注云拜於門東

明少南就之也者以眾賓位在門東今云拜於門東明是

少南就拜之也云言三拜者眾賓賤旅之也者對上尸侑

皆獨拜之此總拜眾賓以三拜是旅之故云賤也云眾賓

一拜賤也者上主人以眾賓賤而旅拜之此眾賓亦以賤
而答一拜對特牲眾賓答再拜言也云卿大夫尊賓賤純
臣也者此申言賓賤之義以此主人是卿大夫其位尊也
云位在門東者敖氏云未獻之前眾賓位在門東亦大夫
之禮異於士者褚氏寅亮云尸侑在西居賓位故助祭者

雖名賓亦統於主人而在門東主人洗爵長賓辭主人奠

爵于篚與對卒洗升酌獻賓于面階上長賓升拜受爵主

人在其右北面答拜宰夫自東房薦脯醢醢在西司士設

俎于豆北羊骼一腸一胃一切肺一膚一羊骼羊左骼上賓一體賤也薦

與設俎者既則俟於疏正義曰敖氏云長賓辭亦北面蓋

西序端古文骼為胙於門東少進也主人已酌長賓乃

升遠下尸也獻賓當西南面用切肺者賓俎設于堂故亦

因尸禮肺繼胃言之羊肺可知郝氏云醢在西則脯在東

一豆一籩羊骼以下五物為一俎前敘尸侑主人主婦俎

不及賓於此詳之褚氏寅亮云主人在其右北面答拜賓

亦北面也脯東醢西仍依右手取脯之便今案儀禮釋官

云周禮宰夫職曰以式灋掌祭祀之戒具與其薦羞注薦

體賤也者對尸侑為賤也下注云成祭於上尊賓也者對

眾賓以下為尊也云薦與設俎者既俟於西序端者以

下文賓取祭以降宰夫執薦以從司士執俎以從無升文

明此時薦與設俎者不降退立於面序端可知李氏云俟執薦俎從賓降鄉飲酒司正升相旅退立于序端云古文幣為賂者賓坐左執爵右取脯揆于醢祭之執爵興取詳鄉飲酒禮

肺坐祭之祭酒遂飲卒爵執爵以興坐奠爵拜執爵以興

主人荅拜受爵賓坐取祭以降面而坐委于面階西南成祭

於上尊賓也取祭以降反下位也反下疏正義曰賓長賓

位而在階而南已獻尊之祭脯肺也注云成祭

於上尊賓也者謂祭脯祭肺祭酒皆成祭於面階上也尊

賓義詳上云取祭以降反下位也反下位而在階而南

已獻尊之者案賓位本在下因獻而升已獻而降故注云

反下位賓初位在門東今得獻在西階而南與主人相對

故云已獻尊之李氏云賓自門東而位而南猶燕禮

士立于西方已獻而位於東方也眾賓以下則已獻而設

薦俎於其位云祭脯肺者宰夫執薦以從設于祭東司士

言賓所取祭祭是脯肺也

執俎以從設于薦東疏正義曰言賓取脯肺降坐委于面階而南而宰夫代為執豆籩從降

義禮曰食... 有司二

設于脯肺之東司士代爲執
俎從降設于豆籩之東也

右主人獻長賓

眾賓長升拜受爵主人答拜坐祭立飲卒爵不拜既爵

也長賓升者以次第升受獻疏正義曰注云既盡也者公

言眾賓長拜則其餘不拜卒爵坐奠爵拜此不拜既爵謂卒爵不拜也云長賓升者

以次第升受獻者案經言眾賓謂長賓以下之眾賓也注

言長賓升即釋經長升二字謂眾賓中之長先升受爵而

其餘各以序升知非謂次於上賓之一人為眾賓長者以

下若是以辯則是一獻之故知眾賓中以長幼次第升

受也云言眾賓長拜則其餘不拜者謂經唯言眾賓之長
升拜受爵則其餘受爵不拜也張氏惠言讀儀禮記云眾
賓長升拜受爵主人答拜坐祭立飲卒爵不拜既爵宰夫
贊主人酌若是以辯獻兄弟云兄弟之長升拜受爵主人
在其右答拜坐祭立飲不拜既爵皆若是以辯案此文是
眾賓眾兄弟皆拜受爵坐祭立飲不拜既爵也注云言眾
賓長拜則其餘不拜恐非劉氏台拱云案私人猶皆拜受

爵則眾賓眾兄弟皆拜受可知也此神惠當一一拜受與
飲射不同特牲賓兄弟亦皆拜今案下獻私人節云主人
于其羣私人不答拜云主人不答拜則羣私人之拜明宰
也羣私人皆拜則不獨其長拜也劉氏據此駁注尤確

夫贊主人酌若是以辯主人每獻一人贊酌大夫尊也贊酌者主人以

偏疏正義曰敖氏云宰夫贊酌大夫尊也贊酌者主人以

人乃贊酌也若是以辯謂皆如眾賓長升拜受酌以下之

儀注云主人每獻一人贊酌於椽宰夫酌授於尊南

者褚氏寅亮云凡酌酒必就尊所注以經無授受之文故

明之椽殿尊四周有餘地可以執爵獻眾賓而主人代酌

以示尊卑之義非憚煩也義疏云上篇司宮尊兩瓶于房

戶之閒同椽椽以殿尊非奠爵之具也且椽在北主人獻
於西階上若一一奠於椽而受於尊南則其勞彌甚何用
贊酌矣蓋主人立于西階上宰夫既酌於尊乃就而授之
今案義疏說似可從云今文若為如者案下主人獻兄弟
獻內賓獻私人皆云若是以辯經皆作若不作如故鄭從
古文云辯皆為偏者皆下辯受爵及辯受爵其薦脯醢與
若是以辯諸文也義詳鄉飲酒禮

義禮正義卷四十一有司二

胥設于其位其位繼上賓而南皆東面其胥體儀也

乃徧獻

略之亦宰夫薦司士胥用儀者尊體盡儀度餘骨可用而

用之尊者用尊體卑者用卑體而已亦有切肺膚今文儀

皆作騰疏正義曰敖氏云言辯受爵嫌或有不與者也特

或為議疏牲禮曰眾賓升拜受爵坐祭立飲薦俎設于其

位辯今案上賓即經上下所云長賓也其位繼上賓而南

則在而階之下矣矣氏紱云眾賓所以改位於而相繼而

南者與兄弟各為班乃可旅酬也注云徧獻乃薦略之

者謂俟獻畢乃設薦胥于其位是略之燕禮三卿以上得

獻即薦大夫徧獻乃薦亦其類也褚氏寅亮云經於辯受

爵下然後言薦胥設于其位敖氏乃謂薦胥每獻即設違

經不可從云亦宰夫薦司士胥者上獻長賓宰夫薦脯醢

司士設俎故注推之以為此亦與彼同也云用儀者尊體

盡儀度餘骨可用而用之尊者用尊體卑者用卑體而已

者既云尊體盡又云用尊體用卑體者謂就餘骨中度其

尊卑也盛氏云升于俎曰胥體者言其不折儀者言其無

定不折者隆於兄弟無定者殺于上賓若羊若豕則未聞

擇府曰倫度體曰儀此經之字法也經義述聞云家大人

曰賈疏謂度尊卑之儀而用之非也儀亦度也言尊體既

盡就餘骨之中儀度其可用者而用之也說文儀度也周語曰儀之于民而度之于羣生又曰不度民神之義不儀生物之則繫辭傳擬之而後言議之而後動陸績姚信本議竝作儀儀之亦謂度之也儀議古字通故今文儀或為議也云亦有切肺膚者亦由上賓推之也盛氏云經惟云體儀則自腸胃以下皆如上賓可知云今文儀皆作儀者皆下其眾儀也集釋儀作儀毛本作儀校勘記云徐本釋文敖氏俱作儀通解作為儀五經文字九經字樣俱無儀字案葉鈔釋文作儀集韻儀曾羈反度牲體骨也儀字非今案古文作儀今文作儀或作儀鄭俱不從之也

右辯獻眾賓

乃升長賓主人酌酢于長賓西階上北面賓在左主人酌自酢序

賓意賓卑 **疏** 正義曰自此至賓降言主人自酢之事。此不敢酢 長賓即上賓也敖氏云後長賓二字衍盛氏

世佐云主人自酢而云酢于長賓見其所以達長賓之意也 敖以爲衍非吳氏紱云特牲承室事故獻賓長即自酢

乃獻眾賓此皆堂事故獻辨乃酢與主人獻尸俯而後尸

酢主人一也 注云主人酌自酢序賓意賓卑不敢酢者

汪氏中改序為遂云據疏云達其意則賈所見本是遂字
古訓遂為達禮記慶賜遂行鄭以達釋遂廣韻遂達也賓
卑不敢酢故主人自酢以遂其意今案序聲之誤下經尸
降筵受三獻爵酌以酢之注亦有遂賓意之文可證作遂
為是褚氏寅亮云特性注云主人酌自酢者賓不敢敵主
人主人達其意與此注立言雖有輕重義實一也蓋助祭
之賓本卑於飲射之賓也敖氏謂賓辟尸故主人自酢以
達其意夫此日之賓與尸尊卑懸絕何所嫌而避之注義
長為主人坐奠爵拜執爵以興賓答拜坐祭遂飲卒爵執爵

以興坐奠爵拜賓答拜賓降

降反

疏

正義曰反位反而階西南之位也方氏苞

云凡自酢義非一端有尊其人不敢使酢己者主婦致爵
于主人而自酢是也有與眾人同得獻一人不敢專酢獻
者揆其意而自酢特性賓獻祝佐會致爵于主人主
婦而自酢此經主人徧獻眾賓升長賓而自酢是也

右主人自酢於長賓

宰夫洗觶以升主人受酌降酬長賓于西階南北面賓在

左主人坐奠爵拜賓荅拜坐祭遂飲卒爵拜賓荅拜宰夫授主

人解則受其虛爵奠疏正義曰自此至于薦左言主人酬于篚古文酌為爵長賓之事。酌要義作爵非郝氏

敬云解在堂下酒在堂上賓位堂下故宰夫洗解升堂授主人主人受酌酒以降酬長賓于其位主人先自飲導之

方氏苞云特牲尊兩壺于阼階東少牢則皆升酌何也天子之禮獻尊外別有鬯為諸臣之所酢諸侯亦然故大夫

不敢與之同士則無嫌。注授主人解授字集釋作受非云宰夫授主人解則受其虛爵奠于篚者張氏爾岐云

受其虛爵指上文酢爵也蓋上主人自酢于賓賓降而主人未降故知此宰夫洗解以升授主人時即受主人所執

之酢爵降奠于篚也云古文酌為爵者主人受酌之酌古文作爵但主人受時必酌酒于解而後降以酬賓若無酌

文則似以虛爵降主人洗賓辭主人坐奠爵于篚對卒洗矣故鄭不從古文

升酌降復位賓拜受爵主人拜送爵賓西面坐奠爵于薦

左疏正義曰盛氏世佐云位西階南北面之位也此酬爵主人親授而不奠亦與特牲禮異李氏云奠于左者

禮記卷之二十一 有司二

後舉之與不償尸之禮奠酬同神惠右
不舉楊氏云賓奠爵左以為無算爵

右主人酬長賓

主人洗升酌獻兄弟于阼階上兄弟之長升拜受爵主人

在其右荅拜坐祭立飲不拜既爵皆若是以辯兄弟長幼

別大夫之賓尊於兄弟宰夫不贊酌者兄弟以親昵來不以官待之疏正義曰自此至其眾

之事○蔡氏德晉云在其右荅拜在東階之東也盛氏世

佐云皆皆眾兄弟也若是亦指升拜受爵以下也主人惟

為長兄弟一洗耳其次以下皆不洗特牲洗獻眾兄弟以

其承主人自酢于長兄弟之後也此於長兄弟無酢故不

復洗注云兄弟長幼立飲賤不別者上獻長賓坐飲眾
賓立飲此兄弟之長亦立飲與兄弟之幼者同故云賤不
別也云大夫之賓尊於兄弟者特牲士禮獻賓坐飲獻眾
賓立飲獻長兄弟如賓儀亦坐飲獻眾兄弟如眾賓儀亦
立飲是賓與兄弟皆殊其長也此大夫禮賓殊其長而兄
弟不殊其長故注以為賓尊於兄弟也云宰夫不贊酌者

兄弟以親昵來不以官待之者褚氏寅亮云上獻眾賓則曰宰夫贊主人酌下獻私人又曰宰夫贊主人酌獨此獻兄弟不言贊酌則主人親酌明矣注云兄弟以親昵來不以官待之最得制禮微意敖謂此亦贊酌進經駁鄭非也盛氏云獻兄弟不殊其長卑於賓也不使宰夫贊酌親辭於眾賓也一獻之間而尊卑之殺親疏之等胥得之矣

受爵其位在洗東面而北上升受爵其薦胥設于其位

獻乃薦既云辨矣復言升受爵者為眾兄弟言也眾兄弟

升不拜受爵先著其位於上乃後云薦胥設于其位明位

初在是也位不繼於主人而云洗疏正義曰此節與上經

東卑不統於尊此薦胥皆使私人疏獻眾賓云辨受爵其

薦脯醢與胥設于其位其繼上賓而南皆東面意略同

亦是明辨獻乃設薦胥並明其位所在耳但彼於辨受爵

下即云設薦胥此先言其位者上眾賓初位在門東經已

著之上賓得獻後位而階西南經亦著之故先言薦胥設

于其位乃言其位繼上賓而南而眾賓之初由門東升受

爵既乃位于西階下上賓之南昭然可見此兄弟經初未

設于其位故先言其位在洗東面而北上升受爵乃言薦胥

明得獻之後仍位於此不變也若先言設薦胥而後言其
位在洗東則似得獻後位乃在此而兄弟之初位不見故
注云先著其位於上乃後云薦胥設于其位明位初在是
也至經言升受爵固以明其由洗東而升且亦見其受爵
則皆于阼階上設薦胥則仍在階下洗東耳鄭以兄弟之
長升拜受爵眾兄弟升不拜受爵遂謂經升受爵三字為
眾兄弟言之其說恐非吳氏廷華疑義云眾兄弟拜受之
禮已盡於若是二字中今案上經云皆若是以辯皆字即
指眾兄弟言且若是以辯言於不拜既爵之下則以上儀
節皆與長兄弟同可知是眾兄弟受爵亦拜也鄭此注與
前注云言眾賓長拜則其餘不拜誤正同矣辯竝詳前又
云位不繼於主人而云洗東卑不統於尊者案士冠禮主
人立于阼階下直東序面兄弟立于洗東西面北上注
云位在洗東退于主人此經主人位在堂上東序而兄弟
位在洗東亦是退于主人故注以為不繼於主人也但卑
不統於尊之說恐亦未的吳氏絛云兄弟位木應繼主人
而南與特牲同以賓位在門東北故不可直繼主人而退
于洗東也至注云此薦胥皆使私人與所云亦辯獻乃薦
者均確後儒以為每獻即設薦胥非矣辨見前獻眾賓節
下○盛氏世佐云據經上賓拜受爵又拜既爵眾賓長以

下皆拜受爵不拜既爵長兄弟以下亦然此隆殺之差也
注意謂眾賓長拜受爵不拜既爵眾賓又不拜受爵長兄
弟與眾賓長同眾兄弟與眾賓同失經意矣賈疏謂眾賓
拜受爵不拜既爵長兄弟得與眾賓同眾兄弟又不拜受
爵則更非
其先生之胥折脅一膚一
注意矣
曰注云先生長兄弟者以經云其是承上之辭先生又是
長稱此云其先生下云其眾明是一謂長兄弟一謂眾兄
弟也云折豕左肩之折者案上侑俎豕左肩折注云折分
為長兄弟俎故此云折豕左肩之折也盛氏云折脅者折
分脅骨以為俎實也舊說以折與脅為二非上賓之俎止
用羊骼一體長兄弟安得有二體乎今案折者不全之名
賓用羊骼一體而全此用豕肩而折且賓俎又有其眾儀
腸胃肺膚共五長兄弟俎止有三仍當從注為是
也
疏正義曰
儀詳前

右主人獻兄弟

主人洗獻內賓于房中南面拜受爵主人南面于其右荅

拜內賓姑姊妹及宗婦獻於主婦之席東主人不西面疏

正義曰自此至亦有薦胥言主人獻內賓之事。敖氏云

洗不言降是洗於房也受送之拜皆南面猶堂上之皆北

面也郝氏敬云賓主皆南面統於堂也案特牲記注云內

兄弟于房中注云內兄弟內賓宗婦也又特牲記注云內

賓姑姊妹也宗婦族人之婦是內賓與宗婦別此注云內

賓姑姊妹及宗婦者以經言獻內賓當兼有宗婦在內經

不言者省文故注補之云獻於主婦之席東者上尸酢主

婦設席于房中南面此亦南面故知在主婦席東也云主

人不西面尊不與為賓主禮也者割特牲獻內兄弟主人

西面答拜言也云南面於其右主人之位恆左人者謂主

人在人之右則人在主人之左也上獻伯獻長賓皆云主
人在其右北面答拜獻兄弟亦云主人在其右答拜下尸
酬主人主人亦在右北面答拜是恆左人也坐祭立飲不拜
既齋若是以辯亦有薦胥疏亦設薦胥於其位特牲饋會禮
記曰內賓立于房中西墉下東
面南上宗婦北
堂東面北上
疏正義曰敖氏云若是以辯亦謂長幼拜
受以下之儀同也不言辯受齋已於眾

賓獻兄弟見之此可知也注云亦設薦胥於其位者上
獻眾賓獻兄弟皆云薦胥設于其位故知此經云亦有薦
胥亦設於其位也引特牲記
者證設薦胥之位所在也

右主人獻內賓

主人降洗升獻私人于阼階上拜于下升受主人答其長
拜乃降坐祭立飲不拜既爵若是以辯宰夫贊主人酌主

人于其羣私人不答拜其位繼兄弟之南亦北上亦有薦

胥私人家臣已所自謁除也大夫言私人明不純臣也士

言私臣明有君之道北上不敢專其位亦有薦胥初亦

北面在眾賓之後爾言繼者疏正義曰自此至就筵言主

以爵既獻為文凡獻位定人獻私人之事○敖氏云

獻私人而降洗重獻禮也拜于下而降飲賤也私人賤故
但答其長拜以殊之盛氏世佐云主人聽其拜下而不命
之升拜于上遊人君禮也俟其升乃答拜是亦在其右北
面也若是指拜下升受諸儀也蔡氏德晉云亦有薦胥享

神之惠不可不徧也今案上既云主人答其長拜下復云
 主人於其羣私人不答拜者嫌羣如其長故特明之又案
 敖氏謂上獻眾賓是獻其長一人後宰夫始贊酌此宰夫
 贊主人酌言於若是以辯其長之後見獻私人之長即贊之其
 說至謂獻兄弟獻內賓亦宰夫贊酌則非獻兄弟之贊
 酌褚氏已辨之若內賓更無使宰夫代酌之義也唯眾賓
 數多私人分卑主人終日拜獻不能一一自酌故使宰夫
 代其內賓私人之俎實經不言者當亦如眾兄弟之儀以
 已見於上故略之也注云私人乃大夫自謂請於君除者
 賈疏云此對公士得君所命者此乃大夫自謂請於君除
 其課役以補任為之云大夫言私人明不純臣也者儀禮
 釋官云郊特牲大夫之臣不稽首非尊家臣以辟君也亦
 不純臣之義玉藻大夫私事使私人擯則稱名注臣於大
 夫曰私人是也云士言私臣明有君之道者士卑無嫌不
 辟君也義疏云此注言士有君道可見他注謂士無臣者
 謬矣褚氏寅亮云言私人所以別嫌也言私臣所以定分
 也注闡禮經稱名之旨微矣私人之長所謂貴臣與無公
 有司之獻者有無未定也盛氏云案特牲有公及私
 臣此唯見私人則賓即公有司可知士卑僚友有來助祭
 者故以僚友為賓大夫尊其僚友無來助祭者故即以公

有司爲賓也今案此篇不言公有司敖氏謂或在眾賓中不必別見盛卽本其說似亦可通云北上不敢專其位者李氏云特牲私臣門東北面此亦然既獻乃位兄弟之南北上繼於兄弟不敢別自爲列凡專其位者雖共方皆別自爲上士喪禮朝夕哭大夫卽位于門外西面北上兄弟在南南上賓繼之北上是也今案兄弟北上此私人任其南亦北上是不敢專其位此注正解經亦字之義也今本注文北上之上無亦字蓋脫云亦有薦胥初北面在眾賓之後爾言繼者以爵既獻爲文者謂其初亦在門東眾賓之後既獻乃位於此經所云繼兄弟之南據既獻言之也云凡獻位定者言凡獻賓兄弟私人之等皆以主人就得獻位乃定鄭言此者蓋以明薦胥所設之處也

右主人獻私人均神惠徧

筵古文曰疏正義曰郝氏敬云主人獻畢由階上就東序升就筵之筵高氏愈云主人自酬尸之後獻長賓獻眾賓酢長賓酬長賓獻兄弟獻內賓獻私人其爲禮也備矣故此就筵而少息也注云古文曰升就筵者古文多升字胡氏承琪云單言升或單言就或升就筵連言之義並可通但既云就則升字可省故鄭從今文

尸作三獻之爵

上賓所獻爵不言三獻作之者賓尸而尸益卑可以自舉

疏正義曰張氏爾岐云

自此至降實于篚尸舉所奠上賓之爵以成三獻之禮凡

有四節尸作爵一也獻侑二也致爵于主人三也受尸酢

四也今案此云三獻之爵三獻即上賓也因上賓侑三獻

之禮遂目為三獻特牲注云以事命之是也注云上賓

所獻爵者此時尸席前有兩奠爵一為上賓所獻爵一為

主人所酬爵故注明之謂所作者為上賓所獻爵也此爵

前上賓獻尸時尸奠于薦左不舉者欲助祭者徧得獻今

自主人獻賓至獻私人畢而獻徧故尸自舉爵也云不言

三獻作之者賓尸而尸益卑可以自舉者案特牲三獻作

止爵是賓請尸舉之此尸自舉之故注以為賓尸而尸益

卑以賓道自處也姜氏兆錫云下大夫不償尸尸亦自

作爵也此但大夫禮與士異耳今案姜說似亦可通司

士羞湑魚縮執俎以升尸取膾祭祭之祭酒卒爵不羞魚

小味也羊有正俎羞七湑肉湑豕無正俎魚無七湑隆汚之殺疏正義曰蔡氏德晉云湑

此即前所云司士七魚尸俎五魚橫載者也膾祭即前所

云加膾祭於其上者也至是始用雍人所設之北俎載而

升之尸乃祭膳遂祭酒卒爵也敖氏云不言左執爵與興坐者如上禮可知注云不差魚七活略小味也者對羊豕皆羞七活言也上主人獻尸羞羊七活主婦獻尸羞豕七活豕無正俎而有七活魚併無七活是三者之差也

司士縮奠俎于羊俎南橫載于羊俎卒乃縮執俎以降尸

奠爵拜三獻北面答拜受爵疏正義曰敖氏云尸既卒爵而後奠爵拜行禮之序於此可見褚氏云羞時橫載故載于羊俎亦橫之可見儀尸之禮魚橫載矣王氏士讓云此

禮也以上尸作賓爵酌獻侑侑拜受三獻北面答拜司

馬羞活魚一如尸禮卒爵拜三獻答拜受爵司馬羞活魚變於尸疏

正義曰此上賓獻侑也前獻尸尸奠爵未舉故待均神惠尸舉爵乃獻侑也此活魚即前所云司士杜魚侑主人皆

一魚者亦至是始用雍人所設北俎載而升之敖氏云卒爵與拜其節空與尸同此略言之耳下文主人亦然上司

士羞魚于尸此使司馬故注云變於尸敖氏云司馬當作司士字之誤也上下皆司士為之此不空使司馬且司馬

司士字之誤也上下皆司士為之此不空使司馬且司馬

惟主羊俎耳羞滑魚非其事也與注異秦氏蕙田以敖為是謂經明言羞滑魚如尸禮並無相變之義褚氏寅亮云不敢妄改經姑闕其酌致主人主人拜受爵三獻東極東疑今仍之○賓獻侑酌致主人主人拜受爵三獻東極東

北面答拜賓拜於東極東以主**疏**正義曰賓不拜于西階

之也褚氏寅亮云主人獻賓則就西階賓致爵主人則就其席而拜於東極東皆賓主不敵之意於尸無與敖氏必

曰辟尸何也與主人自酢條同誤司士羞一滑魚如尸禮卒爵拜三獻答

拜受爵**疏**正義曰羞滑魚詳上敖氏云此與侑如尸禮皆兼祭酒而言不致爵于主婦變於不償尸之禮

○賓致爵主人尸降筵受三獻爵酌以酢之既致主人尸乃**疏**正義

曰上尸作止爵後即空酢賓緣賓意欲致禮于主人故俟

獻侑致爵主人訖乃酢之是遂賓意也方氏苞云特牲賓

獻祝佐食致爵于主人主婦自酢此不自酢何也特牲尸

已酢賓故祝佐食主人主婦不敢專酢而賓因自酢以達其意此則尸卒爵後尚未酢賓故俟賓獻侑致爵三獻而于主人而後酢焉尸酢則足以統主人與侑矣

楹西北面拜受爵尸在其右以授之尸升筵南面答拜坐
祭遂飲卒爵拜尸答拜執爵以降實于篚疏正義曰敖氏
竝授也竝授而不同面拜遠辟主人獻賓之禮也云執爵
以降則是既卒爵亦奠之而拜矣姜氏兆錫云執降者三
獻也褚氏云尸升筵南面答拜因前賓獻受爵時面位義
疏云尸酢主人主人拜于東楹東尸拜于西楹西尸酢主
婦主婦拜于主人席北尸亦拜于西楹而此酢賓異者賓
與尸為禮則皆不可以東賓受爵于西楹而則尸又不得
拜于其右若拜于其右則嫌同於主人也
故惟有筵上南面答拜而已也。賓受酢

右上賓三獻禮成

二人洗觶升實爵而楹西北面東上坐奠爵拜執爵以興
尸侑答拜坐祭遂飲卒爵執爵以興坐奠爵拜尸侑答拜

皆降

三獻而禮小成使二人舉爵序殷勤於尸侑

疏

正義曰張氏爾岐云自此以下言旅酬及無算爵二

儀豐王奠

祭尸上侑同

上

人舉解為旅酬兄弟後生舉解于其長賓長加獻尸次賓
 舉爵又旅酬兄弟舉止爵賓舉奠解交錯為無算爵又凡
 五節而償尸之禮畢矣今案二人舉解一以為尸一以為
 侑也盛氏世佐云東上舉解于尸者為上尸侑答拜亦各
 於其席褚氏寅亮云皆降者舉解二人也或以為尸侑降
 非盛氏世佐云此經爵字當作解下注云古文解皆為爵
 延熹中詔校書定作解此始改之未盡者歟下文爵解襍
 者當以意求之注云三獻而禮小成者三獻謂主人初
 獻尸主婦亞獻尸賓長三獻尸也每獻中間雖有酢酬致
 爵等事然總以三獻為綱償尸之禮至是而小成也獻時
 禮儀嚴肅至旅酬無算爵乃盡歡心故使二人舉解所以
 序殷勤於尸侑也楊氏復云鄉飲鄉射特牲皆一人舉解
 為旅酬始二人舉解為無算爵始今以二人為旅酬始者
 此償尸別一禮與彼不同其初時主人酬尸尸奠之侑未
 得酬故使二人舉解侑乃奠而不舉尸則執洗升酌反位
 解以酬主人主人酬侑侑酬長賓如是以辯洗升酌反位
 尸侑皆拜受爵舉解者皆拜送侑奠解于右奠於右者不
 不舉變疏正義曰洗升酌反位者言舉解者既洗乃升酌
 於飲酒疏於尊所而反西楹西北面東上之位也盛氏世

佐云尸侑皆拜受爵則舉解者各授於席前而不奠矣此亦與鄉飲等禮異注云奠於右者不舉也者謂侑解不舉也王氏士讓云主人雖併敬侑而侑不敢併於尸緣是止用尸一爵酬於下云神惠右不舉變於飲酒者鄭意以旅酬無算爵係行神惠於庭故與飲酒將舉者於右之禮異也褚氏寅亮云上主人酬尸尸亦不舉而奠於左者酬是酬賓之義不可行於獻尸故循飲酒不舉之常說已見上禮經釋例云有司徹主人酬尸尸北面坐奠爵于薦左此不舉者奠於左儻尸如飲酒之例也主人酬長賓于堂下賓面面坐奠爵于薦左此解至旅酬後與兄弟之長交酬為無算爵發端是將舉之解而奠於薦左者相變也又二人舉解于尸侑為旅酬發端侑奠解于右蓋雖舉尸侑二解實止用尸一解酬於下故侑此解雖不舉亦奠於右示猶舉也注以為神惠右不舉恐非唯有司徹主人受尸酢將祭俎先奠之於薦左注神惠變於常是也今尸遂執案褚氏前後俱依注義釋例稍變其說義更精矣尸遂執

解以興北面于阼階上酬主人主人在右尸拜於阼階

疏

正義曰褚氏云尸侑同受二人之解侑則奠之尸則執之為旅酬始今案言遂者謂受即執之以酬主人明不奠也義禮曰奠

○賈疏云上尸酢主人主人東楹東北面拜受爵尸面楹而北面答拜是各於其階今尸酬主人同於阼階故云禮殺也方氏苞云獻酢皆畢而尸酬主人益自卑牧也坐奠爵拜主人答拜不祭立飲

卒爵不拜既爵酌就于阼階上酬主人言就者主人立待之疏曰不

祭者禮略也此尸酬主人先導飲因酌以就主人也上言阼階上酬主人主人在右是知主人位不移尸酌後乃自

尊所就主人拜受爵尸拜送酬不奠者疏正義曰前主人

之也左此不奠者尸就筵主人以酬侑于面楹面侑在左坐奠

急於酬侑也尸就筵主人以酬侑于面楹面侑在左坐奠

爵拜執爵與侑答拜不祭立飲卒爵不拜既爵酌復位侑

拜受主人拜送言酌復位明疏正義曰尸就筵者謂尸酬

也主人以酬侑者謂以尸酬己之爵酬侑也此主人酬侑亦先導飲而酌以授之也面楹而即面階上也此言酌復位明復面階上主人復筵乃升長室侑酬之如主人之禮

侑右之位授之

遂旅也言升長

賓則有贊呼之

疏正義曰主人復筵者謂酬侑畢復東序

酬長賓亦如主人酬侑之禮也盛氏世佐云侑酬長賓之

解即其受之於主人者郝氏云舉所奠薦右之解非今案

注云遂旅者謂遂至于眾賓遂及兄弟亦如之皆飲于上

行旅酬也餘詳前

上而疏正義曰此賓及兄弟相酬也姜氏兆錫云皆飲于

階上疏上通承上文之詞尸酬主人主人酬侑侑酬賓賓

酬兄弟皆飲于上自此兄弟酬私人飲于下而主婦酬內

賓遂及宗婦皆飲于房中矣秦氏蕙田云案尸酬主人飲

于階上雖有通承實有分別遂及私人拜受者升受下

而階上雖有通承實有分別

飲私人之長拜於下升疏正義曰蔡氏德晉云升受下飲

受兄弟之齊下飲之疏謂先拜堂下然後升堂而受齊

復下堂而飲也褚氏寅亮云私人之長拜於下則兄弟之

長拜於上矣禮無不答也王氏士讓云眾賓兄弟飲於上

私人飲於下酬必逮者惠均也位上下者分殊也劉氏台

拱云案下飲者亦以其位與下文互言之耳敖氏云下飲

就其位飲以酬其次也疑義云酬齊當對所酬者飲之所

謂導飲也敖說為正賈疏謂飲於而階下非也今案經云

階下飲謂飲於下非謂面卒爵升酌以之其位相酬辨兄弟

南位亦拜受拜疏正義曰此私人拜相酬也蔡氏德晉云

送升酌由西階疏卒爵升酌謂既飲又升堂而酌也以之

其位就所酬者之位也私人位在兄弟南其長一人受兄

弟之酬者飲於西階下其餘私人皆飲於其位亦有拜受

拜送之儀升酌由西階疏卒飲者實爵于筐疏末受酬者雖

者以阼階是主人位也疏正義曰實爵于筐者謂酬禮終卒飲者執爵以實于筐不

用也注云末受酬者謂私人中之末受者解經卒字之

義也云雖無所旅猶飲者吳氏廷舉疑義云飲酬酒者一

以答前人之意一以導後人之飲也今無人可導而前人之

之意不可以不疏乃羞庶羞于賓兄弟內賓及私人疏無房中

答故亦飲也疏也此羞同時羞則酌房中亦旅其疏正義曰盛氏世佐云

始主婦舉酬於內賓遂及宗婦疏特牲禮尸之庶羞佐

食羞之於尸九飯之時至兄弟弟子舉解於其長之下云

宗人告祭皆乃羞注云此所羞者自祝主人至於內賓無

內羞是篇於主人酬尸後宰夫及司士羞於主婦以上內

羞庶羞兼有之至是乃羞於賓以下惟庶羞而已其節又

在旅酬之後兄弟之後生者舉解之前皆與士禮異注云無房中之羞賤也者前三獻畢主人酬尸宰夫司士羞房中之羞及庶羞于尸侑主人主婦無房中之羞賓以下賤故殺於主婦以上也云此羞同時羞則酌房中亦旅者謂羞內賓與賓兄弟私人同時羞則堂上下酌行旅酬時房中亦旅可知云其始主婦舉酬於內賓遂及宗婦者特牲記主婦及內賓宗婦亦旅注云主婦酬內賓之長內賓之長酬宗婦之妯儀節與彼略同王氏士讓云獻內賓宗婦之儀雖統自主人而旅酬於房中主人以主婦亦相助之義也

右二人舉解為旅酬

兄弟之後生者舉解于其長

後生者年少也古文解皆為壽延熹中詔校書定作解

疏

正義曰自此至壽止言兄弟後生舉解之事。案兄弟

之後生所以必舉解于其長者以將行無算壽賓長有主人酬賓之奠解可行長兄弟無奠解可行故使後生者舉解於長也注云後生者年少也者謂兄弟之幼者也

云古文解皆為壽延熹中詔校書定作解者校勘記云解

張氏從古文作壽案注既云古文解為壽則鄭本自從今

虞夏白象

文作解張氏識誤務存鄭舊而此條顯與鄭背殊不可解
 胡氏承琪云案特牲云兄弟之後生舉解于其長為旅酬
 又兄弟弟子舉解于其長為無算爵皆作解不作爵蓋酬
 之禮皆用解也鄭以彼決此亦當定從今文又延熹嚴本
 釋文集釋要義俱作熹通解作景盛氏世佐云後漢書靈
 帝紀詔諸儒正五經文字刻石立於大學門外事在熹平
 四年儒林傳蔡邕傳竝同漢諸帝年號無稱延景者唯桓
 帝時有延熹之號而事實又不合當依後漢書作熹平為
 是校勘記云案延熹校書熹平刊石似屬兩事今仍從嚴
 本作延熹。賈疏云兄弟之後生者舉解于其長為無算
 爵者以其賓長所舉奠酬亦為無算爵以此二解者皆在
 堂下故為無算爵尸不與無算爵故舉堂下解為無算爵
 其為旅酬皆從上發尸為首故特牲等使一人舉解為旅
 酬與賓長所舉薦右之解此賓不舉旅酬皆從尸舉故所
 奠者為無算一爵
 亦是異於特牲
 洗升酌降北面立于阼階南長在左坐

奠爵拜執爵以興長荅拜

長在左

疏

正義曰注云長在左

長在左是居後生之面

坐祭遂飲卒爵執爵以

東之位也故云辟主人辟指長言

興坐奠爵拜執爵以興長答拜洗升酌降長拜受于其位

舉爵者東面答拜止

拜受答拜不北面者儻尸禮殺長賓言奠兄弟言止互相發明相待

也

疏

正義曰注云拜受答拜不北面者盛氏世佐云其位洗東面面位也長面面拜受故舉爵者東面答之明

與婦之阼階南北面異矣故云不北面也云儻尸禮殺者對特牲兄弟之子舉解於長兄弟及賓弟子兄弟各舉解于其長皆北面言也云長賓言奠兄弟言止互相發明相待也者此爵與前主人酬賓之解後並行爲無算爵上酬賓云奠于薦左是止爵也此云爵止亦是奠之二者互言其實一也賓之奠解及此長兄弟之止爵皆是俟賓長獻尸及一人舉爵於尸後舉以爲無算爵始故云相待也

右兄弟後生舉解

賓長獻于尸如初無湑爵不止

賓長者賓之長次上賓者非卽上賓也如初如其獻

侑酌致主人受尸酢也無湑爵不止別不如初者不使兄弟不稱加爵大夫尊也不用觚大夫尊者也

疏

正義

禮禮王義 卷四十一 有司二

臣

曰此賓長即特牲所謂眾賓長也賓長獻尸亦加爵也詳
 特牲長兄弟洗觚為加爵下張氏爾岐云其儀節與上賓
 獻尸同但無魚潛與既獻即飲二者為異耳注云賓長
 者賓之長次上賓者非即上賓也者劉氏台拱云案上篇
 舊云賓長二人故此其上賓者亦稱賓賓長餘詳前上賓洗
 爵酌獻尸下云如初如其獻侑酌致主人受尸酢也者前
 上賓獻尸尸舉爵後即獻侑致爵主人受尸酢此賓長獻
 尸亦如之故經云如初初謂上賓三獻時也云無潛爵不
 止別不如初者潛謂潛魚前上賓三獻時獻尸獻侑致爵
 主人皆有潛魚此無之又前上賓獻尸尸奠爵不舉待徧
 獻乃舉是止爵也此則獻時尸即舉不止爵以下即獻侑
 等是二者皆不如初故經別言之也云不使兄弟不稱加
 爵大夫尊也者特牲長兄弟眾賓長皆為加爵此儻尸及
 下大夫不儻尸之禮皆不使兄弟又不稱加爵而稱獻故
 注以為大夫尊也云不用觚大夫尊者謂特牲洗觚為加
 爵此用爵爵尊於觚也張氏爾岐云注不使兄弟三句言
 其與特牲禮異是也敖氏云此獻常用觚上篇實觚于篚
 其為此用歟姜氏兆錫云觚爵對文則異散文則通經洗
 觚亦稱加爵則為通稱可見非為大夫尊故用爵也不儻
 尸禮放此今案大夫士禮止三獻此外皆加爵即言獻亦

加也至上篇云勺齋觚解實于籠則加齋用觚明矣敖氏姜氏之說俱是

右賓長加獻於尸

賓一人舉齋于尸如初亦遂之于下

一人次賓長者如初如二人洗解之為也

遂之于下者遂及賓兄弟下至於私人是言

亦遂之于下上言無涸齋不止互相發明

即舉解也禮經釋例云此齋蓋為旅酬發端如舉解之禮

非加齋也今案特牲尸不與旅酬此篇償尸之禮則尸亦

與於旅酬而不與於無算齋尸與於旅酬故酬解必自尸

發之上文初行旅酬以二人舉解于尸侑之尸解發端此

再行旅酬以賓一人舉齋于尸為發端皆與特牲異償尸

而尸與於旅酬者以賓客之禮待之其不與無算齋者則

以畱尸之餘尊也注云一人次賓長者案上賓是長賓

眾賓長是次賓此一人是次於眾賓長者非次賓也云如

初如二人洗解之為也者敖氏云如二人舉解于尸侑之

儀其異者不及侑耳云遂之于下者遂及賓兄弟下至於

私人者張氏爾岐云之通也往也謂行此齋於堂下為旅

酬也今案上二人舉解為旅酬時尸酬主人主人酬侑侑

酬長賓遂及眾賓兄弟下至私人是遂之于下也此亦自尸以下至私人無不及故云亦遂之于下亦字承上旅酬言也云是言亦遂之于下上言無潛齋不止互相發明者褚氏寅亮云上眾賓長獻尸是加齋此次一人舉解為第一番旅酬各有所為注云互相發明其義未詳

右賓一人舉齋於尸更為旅酬

賓及兄弟交錯其酬皆遂及私人齋無算

算數也長賓取解酬兄弟之黨

長兄弟取解酬賓之黨唯已所欲無有次第之數也

疏

正義曰此賓及兄弟行無算

酬者楚茨詩曰獻酬交錯毛傳東西為交邪行為錯義詳

特牲案彼文初旅而階一解賓取解酬長兄弟長兄弟酬

眾賓長以及眾賓眾兄弟交錯以辭又旅昨階一解長兄

弟酬賓如賓酬兄弟之儀以辭是彼以交錯為旅酬以此交錯為無算齋者蓋償尸之禮與特牲異特牲旅酬時賓所取以酬長兄弟者即主人酬賓之解此則以二人舉解為旅酬始於是尸酬主人主人酬侑侑酬長賓至於眾賓遂及兄弟私人皆自上直行而下不交不錯至無算齋時

乃交錯故禮經釋例云特牲旅酬之禮同於有司徹無算
爵之禮而有司徹旅酬則別使二人舉觶于尸與侑爲之
始是士禮殺於大夫也皆遂及私人者盛氏世佐云皆皆
二觶也私人位兄弟之南云皆遂及之者嫌其或以賤而
不獲與也爵無算者謂此二觶交錯行之無算也注云
長賓取觶酬兄弟之黨長兄弟取觶酬賓之黨者案長賓
所取觶卽主人酬賓之觶長兄弟之所取觶卽後生舉觶
于其長之觶與特牲旅酬賓取主人酬賓之觶以酬兄弟
長兄弟取兄弟弟子舉觶于長兄弟之觶以酬賓一也云
唯己所欲無有次第之數也者此釋經無算之義前此旅
酬時自尸酬主人以下有一定次第故其爵行有數此二
觶並行唯己所欲酬者酬之無一定之次亦無一定之數
至醉而止故云無算也盛氏世佐云無算爵之異於旅酬
者三旅酬依尊卑之次自尸而主而侑而賓以至于兄弟
私人秩然不相紊無算爵則賓黨與主黨交錯其酬不俟
賓黨酬畢而後及於主黨一也無算爵唯行於堂下在堂
上者皆不與二也旅酬單行一觶無算爵二觶並行三也
今案饋尸旅酬無算爵與特牲異者有四特牲尸主人不
與于旅酬無算爵饋尸則尸主人不與于無算爵而與于
旅酬一也特牲旅酬無算爵皆行於加爵舉奠之後饋尸

無舉奠之禮加爵後復行旅酬及無算爵而初次旅酬則行於加爵之先二也特牲旅酬用主人酬賓之解發端無算爵用賓弟子兄弟弟子二人所舉之解發端償尸旅酬用二人舉解于尸侑之尸解發端無算爵用主人酬賓之解發端三也特牲旅酬無算爵堂下特設東西二尊償尸則用堂上之尊四也

右二解交錯爲無算爵

尸出侑從主人送于廟門之外拜尸不顧

拜送之

疏

正義曰自此至

有司徹言償尸禮畢之事。高氏愈云士禮主人不拜送尸此則拜者蓋以賓禮事尸而且侑從焉則不容於不拜也今案初時主人迎尸侑于廟門外拜故此送于廟門外亦拜云尸不顧者亦如聘禮之賓不顧也

與長賓亦如之眾賓從

從者不送也

疏正義曰亦如之如其拜也眾賓從從長賓而出也注云從者不拜送也者上

特言拜侑與長賓而後言眾賓從故知從者不拜送也司

士歸尸侑之俎

尸侑尊送其家

疏

正義曰注云尸侑尊送其家者謂司士送之敖氏云賓長而下

則自徹而授主人退寢也。有司徹徹堂上下之薦俎也。外
其人以歸。主人退寢也。有司徹徹堂上下之薦俎也。外
正義曰：注云徹堂上下之薦俎也者，賈疏云：案上文堂
疏上有尸侑之薦俎堂下有賓及兄弟之薦俎，皆徹之也。
或疑尸侑俎司士歸之賓以下俎亦自授其人，以歸安得
又有尸侑俎及賈俎，今案盛說亦是，但堂上雖無尸侑俎
而尚有主人主婦俎，至薦羞之屬，悉存焉。鄭云：徹堂上下
之薦俎，係大槪言之。凡薦俎之在堂上下者，至是皆令有
司徹之。卽几筵器物之屬，亦兼之矣。賈疏分別堂上下薦
俎，而以尸侑言誤矣。云外債尸雖堂上，婦人不徹者，正祭
在室中，債尸在室外，故云外債尸。特牲宗婦徹祝豆，籩入
于房，徹主婦薦俎，此篇不債尸之禮，末云：婦人乃徹，今不
使婦人徹者，上大夫之禮與。下大夫以下，異也。鄭必知婦
人不徹者，以篇首云：有司徹係徹正祭之薦俎。此云：有司
徹係徹債尸之薦俎。但俱云：有司明無婦人正祭在室中
債尸在堂上，與正祭有異，故云：雖堂上，婦人不徹之也。

右債尸禮畢

若不債尸，不債尸謂下大夫也。其牲物則同，不得備其禮。
耳。舊說云：謂大夫有疾病，攝昆弟祭，曾子問曰：

有司二

攝主不厭祭不旅不假不綏祭不配布奠疏正義曰校勘

於賓賓奠而不舉而此備有似失之矣疏記云唐石經

作儻石經考文提要云此以下注疏儻賓禩出然經文儻

凡十三見皆作儻不應此獨作賓今從石經作儻張氏爾

岐云自此至終篇皆言上大夫不賓尸之事今案以下分

節悉依張本自此至佐會受加于所言尸八飯後事注

云不儻尸謂下大夫也者案特牲士禮儻尸上大夫禮此

以下禮節與儻尸及特牲皆異故鄭以為下大夫之禮也

自宋以前無異說敖氏繼公始以儻尸不儻尸為文質異

宜如冠禮之言若不醴者然後人多用其說以駁鄭萬氏

斯大云不儻尸之事視特牲士禮為隆視少儀儻尸為殺

其為下大夫之禮當不誣也褚氏云上大夫儻尸下大夫

不儻尸漢儒舊說相承已久必有所受未可輕議此說是

也云其牲物則同不得備其禮耳者如牲亦用羊豕魚亦

十五之類與上大夫同惟不得備儻尸之禮為異耳引舊

說云謂大夫有疾病攝昆弟祭者此鄭以前有人解不儻

尸為攝祭之事故鄭據曾子問以破之云攝主不厭祭不

旅不假不綏祭不配布奠於賓賓奠而不舉皆曾子問文

彼注云皆避正主厭厭飲神也此不厭者不陽厭也不旅

不旅酬也假讀為嘏不嘏不嘏主人也綏周禮作隋不配

者祝辭不言以某妃配某氏布奠謂主人酬賓奠解于薦
北賓奠謂取解奠于薦南也奠之不舉止旅孔疏止旅謂
止旅酬之事云而此備有似失之矣者據曾子問則攝祭
無陽厭以下事而此不償尸之禮具有之則非謂攝祭者
可知故鄭以舊說為失之也。王氏士讓云案經通例凡
禮有異同者皆附於篇後讀者惟於少牢篇尸飯七以上
見其同而此祝侑尸入飯以則祝侑亦如之謂尸七
下求其同異庶有以得之矣疏正義
曰下大夫之不償尸者自祝侑以前皆與上大夫償尸者
同故云亦如之也下經尸會以下乃言其異者注云謂
尸七飯時者謂祝侑為少牢上篇尸七疏正義曰
飯告飽時祝獨侑曰皇尸未實侑是也尸會八疏
張氏爾岐云祝既侑而尸又乃盛俎臠臂肫臠脊橫脊短
飯也故注云以入飯言之也

齊代齊皆牢

盛者盛於所俎也此七體羊豕其脊齊皆取
一骨也與所舉正脊幹骼凡十矣肩未舉既

舉而俎猶

疏

正義曰注云盛者盛於所俎也者凡尸所會

有六體焉皆加于所俎此盛以歸尸故知盛於所俎也
但特牲尸九飯畢乃盛此八飯即盛者下大夫之禮異於
士也償尸則不盛者全以歸尸故也此羊豕之俎本有十

義禮王奠

卷四十一有司二

七

一體肩臂臑肫髀三脊三脅今不言髀及正脅者尸已舉
先在所俎也不言正脊尸已舉奠于菹豆也不言肩肩未
舉敖氏云前體先臑後臂者肩未舉若自下而上然云此
七體羊豕者釋經皆牢之義謂所盛七體皆羊豕而非膾
也云其脊脅皆取一骨也者上篇載時脊脅皆二骨以竝
今但取一骨盛于俎其正脊正脅先舉者當亦止一骨也
云與所舉正脊幹髀凡十矣者幹正脅也此所取七體合
正脊正脅及髀凡十也云肩未舉既舉而俎猶有六體焉
者下卒盛乃舉肩既舉猶有六體謂三脊 魚七 盛半也魚
三脊各有一骨在俎雷之以備陽厭也 魚七 十有五而
俎其一已舉必盛半者魚 **疏** 正義曰注云盛半也者盛亦
無足翼於牲象脊脅而已 **疏** 謂盛于所俎魚在俎十四今
盛七是盛半也云魚十有五而俎其一已舉者上篇云魚
用鮓十有五而俎尸四飯時上佐食舉一魚尸受祭齊後
授佐食加于所是其一已舉唯有十四在也云必盛半者
魚無足翼於牲象脊脅而已者鄭意以脊脅十二骨盛六
是半今魚盛七亦是半故云於牲象脊脅也魚無足翼春
秋緯文敖氏云魚盛七并前所舉者一僅八而已牢之骨
體已多此則可以略之特 **膾** 辨無髀 體也脊屬焉言無髀
牲牲少故魚盛十有二耳

者云一純而俎嫌疏正義曰王伯申尚書經義述聞云釋
有之古文牌作脾疏文及賈疏皆不解辯字謹案辯當讀
為脾說文曰脾半體肉也故鄭以盛半解之上篇曰脂一
純而鼎注曰合升左右脾曰純純猶全也又曰脂一純而
俎是脂載全體今盛所俎但取其半故別之曰脂脾上篇
司馬升羊右脾注曰古文脾皆作辯是辯為古脾字敖曰
辯者明右體及其脅與脊皆盛也則是讀辯為徧矣盛半
而曰徧何以別於上篇之純乎失之遠矣今案述聞之說
是也注云亦盛半也所盛者右體也脊屬焉者李氏云
下云據于魚脂俎則脂不盡盛亦盛半焉與魚同右脛骨
五與脊骨三而八前已舉右肩今盡盛其餘三脊骨亦盛
焉褚氏云右體盛于所俎而連三脊其存於正俎者左體
五脛并三脊共八體也鄭知盛右體者以其牲用右則此
脂亦盛右也云言無脾者云一純而俎嫌有之者純為全
物之稱云純嫌有脾在故特言無脾也李氏云上篇云脂
一純而俎其兩脾在祝俎尸俎無脾自明不僨尸之禮脾
之所用無文故云無脾以明之今案
李說亦是古文牌作脾詳見士冠禮
卒盛乃舉牢肩尸受
振祭臚之佐會受加于所已疏正義曰上篇尸入飯上佐
會舉牢肩尸受振祭臚之

真豐三卷

此舉牢肩不言佐會亦佐會舉以授尸也盛氏世佐云舉
牢肩以下亦與儻尸者同復言之者所以明盛俎之節在
尸會之後上佐會舉牢肩之前耳今案先盛俎後舉肩肩
為貴體後舉之加于所居眾體之上也注云卒已者爾
雅釋詁文訓卒為已謂盛畢也校勘記云徐本集釋通解
俱作卒已張氏爾岐木作舉七云前此舉牢肺舉正脊舉
牢幹舉魚與膾肩舉牢幣已六舉至此舉牢肩故云舉七
也秦氏蕙田云案卒盛謂盛畢注訓卒已是也楊氏本作
舉七張氏爾岐作舉七皆非是盛氏云上篇尸七飯時注
云卿大夫之禮不過五舉至是入飯舉牢肩則六舉矣乃
云舉七非也坊本或誤作舉七張氏因改七為七而分牢
肺正脊為二舉以足其數謬甚今案盛氏說是禮經釋例
亦以舉牢肩為六
舉詳上篇會舉下

右不儻尸者尸八飯後事

佐會取一俎于堂下以入奠于羊俎東

不言魚俎東主於尊
疏正義曰自

此至佐會受牢舉如儻言尸十一飯時事○此佐會又別
取堂下一虛俎以入室也注云不言魚俎東主於尊者

少牢設俎魚在羊東此俎又奠于魚東今不言魚俎東者
俎以羊為尊故繼羊言之敖以羊字為魚之誤褚氏云主
於尊義已明矣乃撫于魚膾俎俎釋三个其餘皆取之實
又何必改字邪

于一俎以出个猶枚也魚撫四枚膾撫五枚其所釋者膾

疏正義曰方言撫取也說文拓拾也拓或作撫拾掇也掇
拾取也俎釋三个謂每俎遺三个不取存於俎中以為

陽厭之用也詳特牲禮其餘謂三个之外則盡取之實於
一俎以出將分載於祝主人主婦俎也出室也注云

个猶枚也者詳特牲俎釋三个下云魚撫四枚膾撫五枚
者魚俎除盛斯俎外仍餘七釋三而撫四膾俎除盛斯俎

外仍餘八釋三而撫五也盛氏云所撫之數當依注說郝
氏云魚撫其五敖氏云膾撫八个俱未是云其所釋者膾

則短脅正脅代脅魚三枚而已者謂所釋止如是知膾所
釋唯有三脅者以牲體所釋是脊脅膾當亦如之今膾右

脅及脊俱盛于所俎故所釋唯左脅三也不言牲俎者牲
體已俱盛于所俎所存以備陽厭無可撫也云古文撫為

搯者毛本作今文撫為櫟校勘記云今徐本集釋通解俱
作古櫟徐本作搯葛本集釋俱作櫟案宋本釋文作搯今

度畫E隻

本作撲五經文字手部有搯字云之石反見禮經段氏玉

裁云古文撫為搯儀禮宋本嘉靖本單行疏本釋文宋本

皆如是俗本作今文撫為撲者非也胡氏承琪云說文搯

撮取也謂少取之今魚撫四釋三脂撫五釋三於少取之

意不合故鄭從今文作撫蓋但解為拾取也楊氏復云

以上舉者先已舉在俎盛者方盛于俎未舉者卒盛乃舉

撫者取為祝主人主婦之祝主人之魚脂取于是祝主人

俎釋者備陽厭于西北隅祝主人之魚脂取于是祝主人

之魚脂取於此者大夫之禮文待神餘也三者各取一魚

其脂主人贊主婦祝則幣也與此皆於鼎側更載焉不

言主婦(疏)正義曰云取于是者謂取於所實之一俎也

未聞(疏)注云祝主人主婦俎之魚脂取於此者大夫之

禮文待神餘也者此魚脂皆神俎所釋三個之餘故云待

神餘大夫之禮文對特牲士禮祝主人主婦俎皆無魚脂

言也云三者各取一魚者謂祝主人主婦三者也云其脂

主人贊主婦贊者下經言也云祝則幣也與者鄭以主人

用贊主婦用膳推而知之但無正文故云與以疑之也敖

氏據上篇謂祝俎脂亦用髀諸氏云髀不升則神俎無髀

可撫祝俎安得取於是乎且所撫之幣安所用之故注疑

為祝用幣也今案褚說是云此皆於鼎側更載焉者上撫

時其實于一俎此祝主人主婦俎分取之故須更載凡載
俎皆就鼎載之此雖不升於鼎亦當於鼎側更載也云不
言主婦未聞者鄭以下經主婦俎有膾臠則主婦用膾可
知而經不言故疑其義未聞也賈疏云或傳寫者脫耳蔡
氏德晉云不言主婦者統於主人也○禮經釋例云案不
備尸之禮盛所俎畢此時神俎尚有牢體六魚七膾體半
牢體六者羊俎豕俎各釋三個也魚七膾半則不止三個
故下文又云佐食取一俎乃摭魚膾俎俎釋三個其餘皆
取之實于一俎以出又云祝主人之魚膾取于是則是於
所俎之外又別取一虛俎取魚膾而盛之以爲祝主人之
俎唯釋三個於神俎與牢體同備陽厭之用此大夫之禮
異於特牲者也今案特牲祝主人俎皆無魚膾少牢正祭
則祝俎有膾與魚俎減五鼎爲三鼎無膾鼎主人俎亦
有魚不饋尸則祝主人之魚膾取於神俎之餘是其較特
牲爲隆而較饋尸不飯告飽主人拜俯不言尸又三飯十
尸爲殺者矣

一飯士九飯大夫十一飯
其餘有十一飯十五飯
注云正義曰上篇尸三飯告飽下
云祝而面于主人之南此不

言者省文餘與彼同
者合前入飯言之也餘詳少牢三飯下
佐會受牢舉如饋
義禮王歲
參四卜有司二
三

舉肺正義曰上篇尸又三飯下云上佐會受尸牛肺正
脊疏脊正義曰上篇尸又三飯下云上佐會受尸牛肺正
篇正祭在室本篇饋尸在堂此受牛舉是室中事而經云
如饋者謂如其有饋尸之禮者耳七飯以前下大夫不饋
尸之禮與上大夫饋尸者皆同七飯以後有同有異同者
經則以如饋明之後凡言如饋者放此秦氏蕙田云案以
上不饋尸尸會之禮其異於饋者二事盛所俎一也據魚
膾俎二也禮經釋例云不饋尸之禮尸十一飯後亦主人
初獻主婦亞獻
賓長三獻詳後

右不饋尸者尸十一飯時事

主人洗酌酌尸賓羞肝皆如饋禮

肝牛也疏正義曰自此至

言主人初獻之事。案初獻節內有獻尸受尸酢獻祝及
二佐食此謂主人獻尸之儀皆如饋也。注云肝牛肝也
者上篇主人酌尸賓長
羞牢肝牢肝羊豕肝也。卒爵主人拜祝受尸爵尸荅拜疏
正義曰敖氏云自卒爵以下不蒙如饋禮者欲與後禮相
屬也凡與饋禮同而重見之者其意皆然方氏苞云此亦

與饋禮同上下文皆曰如饋而畫此四語於外何也此節
次之最不可略者故覆舉以為前後之分界經之通例然
也祝酌授尸尸以醑主人亦如饋其綏祭其嘏亦如饋皆

當作按按讀為藏其疏正義曰此尸酢主人亦如饋也○
隋之隋古文為揆注隋毛本誤作情揆毛本誤作掇

校勘記云徐本楊氏竝作墮與單疏述注合陳本釋文集
釋竝作隋通解土作隨下作隋案當以釋文為正又云徐

陳集釋通解俱作揆今從隋從換賈疏云經唯有一綏而
云皆當作按者鄭并下佐會綏祭總破之故云皆也餘詳

少牢上佐會以綏祭下換祭與隋祭義異故鄭不從古文
詳士虞祝命佐會隋祭下○惠氏棟云羞肝及綏祭與嘏

皆饋尸所無而云亦如饋疑誤今案此云如饋者是指其
上篇正祭于室之事非饋尸于堂之事也如饋義詳上其

獻祝與二佐會其位其薦胥皆如饋疏正義曰此獻祝獻
二佐會皆如饋也

敖氏云祝之薦胥如饋則牢與膾皆髀明矣祝于饋亦有
肝從不言者與佐會連文故略之耳惟言位與薦胥不及

其儀者可知也下文類此者皆然褚氏云敖據此而言祝
俎髀然經言如實不盡如即如上經洗爵酌尸無四籩與

儀禮正義卷四十一
如儻尸異而亦云

右不儻尸者主人初獻與儻尸者正祭初獻同

主婦其洗獻于尸亦如儻此自尸侑不飯告飽至**疏**正義曰

以人于房言主婦亞獻之事。案亞獻節內亦獻尸受尸

酢獻祝及二佐食賈疏云獻數與主人同唯不受嘏為異

敖氏云此如儻謂拜送爵以上之禮今案其洗獻于尸經

云其明所謂亦如儻者專指洗獻儀節言之其餘不盡如

儻也注云自尸侑不飯告飽至此與儻同者在上篇者

盛氏世佐云注侑字疑衍今案下大夫不儻尸之禮凡與

上大夫同者經皆以如儻明之矣但少牢上篇是言上大

夫正祭于室之事此篇是言儻尸于堂之事鄉恐人昧其

節次不知經所謂如儻者在何故特明之此注云自尸侑

不飯告飽至此與儻同者在何故特明之此注云自尸侑

卒爵至此亦與儻同者在何故特明之此注云自尸侑

自乃羞至此亦與儻同者在何故特明之此注云自尸侑

錯其酬節注云此亦與儻同者在何故特明之此注云自尸侑

在此篇是皆分別儻禮所在也**主婦反取籩于房中執棗**

糗坐設之棗在稷南糗在棗南婦贊者執栗脯主婦不與

受設之栗在糗東脯在棗東主婦與反位東饋食之籩糗

之下賓尸也栗脯加籩之賓也疏正義曰主婦自反取籩

反位反主人之北拜送爵位者以賓尸主婦亞獻自

取糗脩于房故不僨尸薦籩亦自取也特牲宗婦授籩此

自取特牲兄弟長以燔從下文次賓羞牢燔蓋皆大夫禮

變於士也賈疏云案上僨尸主婦亞獻尸直有二籩下大

夫之禮主婦亞獻有四籩者僨尸之禮主人獻尸主婦設

四籩饗贊白黑故至主婦獻時直設糗脩二籩通前四籩

為六籩此主人初獻無籩從至主婦亞獻設四籩猶少於

僨尸兩籩今案上大夫有僨尸之禮故籩于堂上僨尸設
之此及特牲皆設于堂中但特牲止兩籩此有四籩則亦
視特牲為隆而視僨尸為殺者矣注云襍用之下僨尸
也者前僨尸初獻薦饗贊白黑皆用朝事之籩此棗糗一
用饋食之籩一用羞籩之實是襍用之故云下僨尸也棗
糗栗脯俱詳前主人獻尸主婦薦豆籩節內云反位反主
人之北拜送爵位者上篇室中亞獻尸拜受主
婦主人之北拜送爵位者上篇室中亞獻尸拜受主
婦主人之北拜送爵位者上篇室中亞獻尸拜受主

取棗糗祝取栗脯以授尸尸兼祭于豆祭祭酒啐酒次賓

羞牢燔用俎鹽在右尸兼取燔煗于鹽振祭濟之祝受加

于所卒爵主婦拜祝受尸爵尸荅拜自主婦反取籩至祝受加于所此異於賓

疏正義曰張氏爾岐云賓尸者方其正祭主婦獻尸于室無籩燔從之事此有籩有燔為異以不賓尸故加厚耳

今案上大夫有賓尸之禮故籩燔俟賓尸設之此下大夫不賓尸故設于室中特牲主婦亞獻亦有籩有燔非加厚

之謂也注云自注婦反取籩至祝受加于所此異於賓者上洗爵于尸如賓下卒爵主婦拜祝受尸爵尸荅拜亦

與賓同唯自反取籩至受加于所與賓異故經詳言之也秦氏蕙田云以上主婦獻尸其異於賓者二事有籩一也

燔從也祝易爵洗酌授尸尸以醑主婦主婦主人之北拜受

爵尸荅拜主婦反位又拜上佐會綏祭如賓卒爵拜尸荅

拜主婦夾爵拜為不賓尸**疏**正義曰方氏苞云特著上佐降崇敬今文醑曰酌會之綏祭如賓者賓尸則主

婦之俎實籩豆皆于尸酢薦之不償尸則於賓長之致爵

薦之皆主婦自取菹醢肺以祭唯正祭主婦獻尸尸酢主

婦上佐食按祭而主婦受之以祭其禮則同故特著之今

案綏亦當為按詳前其綏祭下注云主婦夾爵拜為不

償尸降崇敬者張氏爾岐云償尸者正祭主婦受酢不使

爵拜此俠拜為異褚氏云注降字略讀言既不償尸而降

其禮矣故受酢必俠拜以崇其敬也吳氏綏云少半正祭

于室與償尸于堂主婦獻尸皆夾爵拜其受尸酢則否以

有兩番獻故於酢略之此不償尸受酢與獻尸同亦仍是

兩番夾爵拜耳今案經義似吳說得之注義則褚說得之

然皆主受酢言之賈疏據獻尸說誤矣今文醑曰酌者毛

本酌作酢誤校勘記云徐陳通解俱作酢曰酌集釋作醑

曰酌閭監葛本俱作酌曰酌單疏標目亦作曰酌案作醑

曰酌者是也秦氏蕙田云以上尸酢主婦其異於償者主

婦俠拜一事主婦獻視其酌如償拜坐受爵主婦主人之北荅

拜自尸卒爵至此亦與疏正義曰注云自尸卒爵至此者

恐卒爵之文易混故言尸以別之上注云自主婦反取籩

至視受加于所此異於償則卒爵以下與償同矣然亦有

儀禮正義卷四十一

不盡同者故此注云亦與儻同者亦在上篇是專據其同者言之耳 宰夫薦棗糗坐設棗于

菹而糗在棗南祝左執爵取棗糗祭于豆祭祭酒啐酒次

賓羞燔如尸禮卒爵內子不薦筮祝賤使官可也自 **疏** 正義

曰注云內子不薦筮祝賤使官可也者褚氏云內子尊視

卑故與特牲主婦自薦者不同案禮記卷大記注云內子

卿之適妻也國語卿之內子為大帶命婦成祭服韋注卿

之適妻曰內子命婦大夫之妻也似下大夫妻不得稱內

子賈疏有兩解一謂欲見上大夫妻亦不薦筮故變言內

子一謂或可散文下大夫妻亦得為內子今案下賓致爵

于主婦注亦云內子似後說通云自宰夫薦至賓羞燔亦

異於儻者上篇正祭主婦獻祝無筮燔從此及特牲主婦

獻祝皆有之是異於儻也○秦氏蕙田云以

上主婦獻祝其異於儻者二事有筮有燔從

主婦受爵酌

獻二佐會亦如儻主婦受爵以入于房

疏 正義曰上篇正

會無筮燔從此亦無之故云亦如儻也菹氏云祝卒爵而

主婦受是亦不拜既如儻也吳氏章句云房無筮以爵入

者當酌致主人。○秦氏蕙田云：此主婦獻佐食無籩燔如儻。

右不儻尸主婦亞獻

賓長洗爵獻于尸。尸拜受賓戶西北面荅拜爵止。尸止爵

獻禮成欲神惠之均於室中。是以奠而待之。疏正義曰：自此至庶羞在左言賓

一節之內賓獻尸爵既止。主婦致爵于主人。主婦自酢尸

作止爵尸酢賓賓獻視及佐食賓致爵主人致爵主婦賓

自酢乃設羞亦十小節而禮成。郝氏敬云：戶而室戶內而

設羞似宜於三獻後別為一節。○禮經釋例云：凡不儻尸

之禮賓三獻爵止則均神惠于室。加爵者爵止則均神惠

於庭。詳特牲賓三獻如初。下釋例又以此三獻節內主婦

致爵于主人及白酢尸作止爵及酢賓賓獻視獻兩佐食

致爵于主人主婦及受主人酢其十爵較特牲三獻節內

少一爵詳特牲席于戶內。下今案特牲再止爵此惟賓三

獻時一止爵者賈疏以為順上大夫之禮。蓋上大夫正祭

不止爵儻尸亦止一止爵也。○敖氏云：此三獻爵止之義

與特牲禮同受爵而即止亦大夫禮異也。秦氏蕙田云：自

此以後與饋禮異與特牲禮略同然亦有
異者今各注本條之下。賓獻尸止爵。主婦洗于房中

酌致于主人主人拜受主婦尸北面拜送爵司宮設席

拜受乃設席疏正義曰賈疏云祭統祭有十倫七曰見夫
變於士也。婦之別焉又曰夫婦相授受不相襲處酢

必易爵彼據夫婦致爵而言又云少牢上大夫受致不酢
下大夫受致又酢不致士受致自酢又致今案上大夫受

致不酢係在饋尸于堂主婦亞獻時行之其正祭賓三獻
無主婦致爵之事此下大夫不饋尸致爵于室中正祭行

之與士同但特牲有主人致爵于主婦及自酢之禮此不
饋尸較上大夫雖多酢主婦一爵而無主人致爵主婦及

自酢二爵與特牲又異耳注云拜受乃設席變於士也
者案特牲未致爵先設席此拜受爵後乃設是變於士也

設席當亦在戶內敖氏云設席于主人立處之南也王氏
士讓云案特牲主人席于戶內不著所設之人饋尸主人

筵上拜受爵其筵之設在受尸酢時司宮設之此主婦拜
送爵後司宮設席與饋尸亦異也。周禮司几筵祀先王

昨席亦如之鄭注昨讀曰酢謂祭祀及王受酢之席賈彼
疏云案特牲少牢正祭主人受酢之時未設席夫婦致爵

乃設席今王於受酢即設席者優至尊與
大夫士禮異較本疏少支離語今錄之
主婦薦韭菹醢

坐設于席前菹在北方婦贊者執棗糗以從主婦不與受

設棗于菹北糗在棗面佐會設俎臂脊脅肺皆牢膚三魚

一膾臂膾臂左臂也特牲五體此三者以其牢與
人之薦俎于堂上尸酢主人時設之此及特牲皆於主婦
致齋時設之者以正祭於室尸酢主人有受嘏之事故也
盛氏云自臂脊以下諸物其一俎與少牢禮祝俎相似郝
氏以為五俎非注云臂左臂也者右臂尸所用也云特
牲五體此三者以其牢與膾臂而七者以經云臂脊脅皆
牢牢謂羊豕也既羊豕臂脊脅俱有是六也通膾臂而七
是以牲體唯有三也云所謂膾如牲體者特牲記文彼云
膾如牲骨骨即體也敖氏云肺離肺也王氏士讓云此魚
一膾臂即上佐會所
主人左執爵右取菹換于醢祭于豆
撤者設之亦佐會

閒遂祭籩奠爵興取牢肺坐絕祭臠之興加于俎坐挽手

閒遂祭籩奠爵興取牢肺坐絕祭臠之興加于俎坐挽手

祭酒執爵以興坐卒爵拜

無從者變於士也亦所謂順而扼也

疏正義曰案

致爵于主人肝燔並從此無從是變於士也順而扼禮器

與君同之義也○主婦答拜受爵酌以醑戶內北面拜

不更疏正義曰賈疏云此決上主婦受酢時祝易爵洗酌

案吳氏章句云酌以醑更爵與注主人答拜卒爵拜主人

答拜主婦以爵入于房

疏正義曰敖氏云主婦亦坐祭立

云以上主婦致爵于主人自酢與特牲禮異者三事祭籩

不贊一也無肝燔從二也主人不致爵于主婦三也今案

姜氏兆錫云償尸者至償尸時始致且無酢此亦與償異

於室○主尸作止爵祭酒卒爵賓拜祝受爵尸答拜疏乃

祭酒亦變於土自爵止疏正義曰蔡氏德晉云尸向受賓

之也注云作止爵乃祭酒亦變於士者賈疏云特牲賓
三獻如初燔從如初爵止至三獻作止爵尸卒爵無祭酒
之文知特牲禮祭酒訖乃止爵者以經云燔從如初乃云
爵止鄭注云初亞獻也亞獻時祭酒訖乃始燔從則三獻
燔從如初始云爵止明是祭酒既訖乃始止爵今下大夫
作止爵乃祭酒故云變於士今案特牲是賓作止爵此尸
自作之亦異於士禮也云自爵止至於止爵亦異於僎者
賈疏云僎尸止爵在致爵後其作之在獻私人後欲神惠
之均於庭此止爵在主婦致爵前作之在致爵
後欲神惠均於室中與特牲同○尸作止爵

賓拜受爵尸拜送坐祭遂飲卒爵拜尸答拜(疏)正義曰上

此不夾拜與上異秦氏云以上尸作止爵酢賓長與僎禮
異者一事賓受酢不夾爵拜也與特牲禮異者三事尸自
作止爵一也作止爵乃祭酒二也無燔從三也今案此止
爵在主婦致爵前作止爵在致**獻祝及二佐食**(疏)正義曰
爵後亦其與僎異者○尸酢賓**獻祝**及二佐食(疏)正義曰
賓獻祝亦北面拜獻佐會亦而面拜今案上篇賓獻不及
佐會將僎尸禮殺也秦氏云此與僎禮異者二事祝不奠

壽一也佐會亦得獻二也與特牲禮異者二事獻
祝無燔從一也多一佐會二也○賓獻祝與佐會
于主人洗致爵者以承
疏正義曰上獻終於佐會
主人席

上拜受爵賓北面答拜坐祭遂飲卒爵拜賓答拜受爵疏

正義曰賓受爵者以將致於主婦也秦氏云此與特牲禮
異者一事無燔從也盛氏云賓尸者室事終於賓長獻祝
賓長既獻祝則三獻禮成尸出遂暮矣故自此以下皆無
其禮於堂乃有之但不洗羞酒魚是其異者○賓致爵主

人酌致爵于主婦主婦北堂司宮設席東面北堂中房以

於士妻儻尸不變者儻尸禮異矣內子東疏正義曰此賓

面則宗婦南面面上內賓自若東面南上疏致爵主婦亦

亦於房中也特牲賓三獻致爵主人主婦儻尸賓三獻酌
致主人不致主婦與此異吳氏章句云致爵主婦亦易爵

注云北堂中房以北者詳士昏禮記云東面者變於士
妻者案特牲記云尊兩壺于房中而墻下南上內賓立于
其北東面南上宗婦北堂東面北上彼注云宗婦立於
主婦主婦南面此設席東面故云變於士妻也云儻尸不

變者饋尸禮異矣者上饋尸尸酢主婦司宮設席于房中
南面是不變也云內子東面則宗婦南面西上者內子易
位東面則宗婦空南面西上亦統於主婦也敖氏謂宗婦
仍東面主婦席東面在宗婦之北今案特牲記云宗婦北
堂東面北上是宗婦非一人也今主婦既在北堂設席東
面宗婦亦位於此恐不能容故鄭以為當易位南面敖說
非也云內賓自若東面南上者言內賓仍特牲東面南上
之位不改也內子詳前主婦亞獻節宰夫薦棗糗下○吳
氏疑義云案特牲尸酢及主人致爵主婦皆南面上饋尸
尸酢主婦亦南面此賓致爵乃東面者避尸與主人若以
變於士言則上賓尸胡獨不變乎而乃以禮異為說非也
今案吳說似亦通特牲賓致爵主婦經不言面位當與此

同

主婦席北東面拜受爵賓面而答拜

席北東面疏正義曰注

云席北東面者北為下者曲禮曰席東鄉西鄉以南方為
上此席東面南為上則北為下矣故拜於席北也敖氏以
為席北上與曲禮背誤矣盛氏世佐云席北席末也此席
南上當以注說為正褚氏云注云北為下三字證明曲禮
南上之說復見拜者恆**婦贊者薦韭菹醢菹在南方婦人**
於席末之義何等簡明

贊者執棗糗授婦贊者婦贊者不與受設棗于菹南糗在

棗東婦人贊者宗婦之弟婦也今文曰婦
也贊者執棗糗授婦贊者不與受疏正義曰盛氏云菹在兩便

其右取之也主婦籩實用棗糗亦異於饋注云婦人贊

者宗婦之弟婦也者與上饋尸主婦受尸酢節注云宗婦

之少者義同詳上婦贊者主婦之贊者也婦人贊者則又

婦贊者之贊耳云今文曰婦也贊者執棗糗授婦贊者不

與受者案此篇多言婦人贊者無言婦也贊者又下授婦

贊者婦贊者不與受文義必疊乃明故鄭俱不從今文

佐會設俎于豆東羊臠豕折羊脊脅肺一膚一魚一膾臠

豕折豕折骨也不言所折略之特牲主婦殼疏正義曰肺

折豕無脊脅下主人羊豕四體與膾臠而五疏上各本有

祭字唐石經無敖氏云祭字誤衍今案據下文云絕祭則

是離肺非祭肺也當從石經○方氏苞云正祭主人主婦

雖受尸之酢而其薦俎從獻不於是焉設蓋方致其誠慤

以與神明交不可以是聞之也不饋尸主婦之薦俎乃於

賓致齋設之何也大夫禮主人不致齋于主婦舍賓致齋

無可設也盛氏云羊臠以下亦其一俎郝云五俎非注

云豕折骨也者謂所折是骨非全體也云不言所折略之
特性主婦殺折者特性明言殺折此不言所折何骨是略
之故引特性者蓋以為主婦用折之證也云豕無脊脅下
主人羊豕四體與腦膈而五者上主人俎豕亦有脊脅合
羊豕六體與腦膈而七此豕無脊脅羊豕止四體與腦膈
而五是下於主人也王氏士讓云案上文祝主人之魚膈
取於是不言主婦今此文云魚一膈
主婦升筵坐左執齋

右取菹揆于醢祭之祭籩奠齋興取肺坐絕祭臠之興加

于俎坐扱手祭酒執齋興筵北東面立卒齋拜立飲拜既

大疏正義曰周氏學健云大夫一本作丈夫此謂主婦故

夫亦改作丈夫而言丈夫則兼尸賓非專指大夫也盧氏詳

校亦改作丈夫謂主人也主人受賓致齋坐祭遂飲卒齋拜

此雖亦拜既齋而立飲是其異者今案賓荅拜賓受齋疏

各本皆作大夫據盛說似作大夫為是
正義曰秦氏云案以上賓長致齋于主婦儗尸者無此禮
此與特性禮異者三事席于北堂東面一也無燔從二也

有薦設三也。○賓致爵主婦。易爵于篚洗酌醑于主人戶西北面拜主

人荅拜卒爵拜主人荅拜賓以爵降奠于篚自賓獻及二

異於疏正義曰教氏云易爵于篚亦下篚也郝氏敬云易

主人獻尸併獻侑而酢者惟尸主人獻賓併獻眾賓而酢

者唯賓長蓋酢者其主於獻之者也不酢者以次而連獻

之者也賓致爵于主人主婦主人酢而主婦不酢又俟併

致于主婦而後酢之正此例也少牢室事終於賓長獻祝

無獻佐會下事此賓三獻獻二佐會又致爵主人主婦併

自酢故注云自賓獻及二佐會至此亦異於賓也秦氏云

案此賓長自酢于主人賓尸者亦無此禮特牲乃羞宰夫

云更爵酢于主人卒復位蓋與此同○賓自酢乃羞宰夫

羞房中之羞司士羞庶羞于尸祝主人主婦內羞在右庶

羞在左疏正義曰內羞即房中之羞也下注云不償尸則

祝猶侑耳蓋釋此經盛氏本遂移此注於本節

下褚氏云償尸者羞於侑不償尸者羞於祝故注曰祝猶

侑也王氏士讓云案羞之各於其筵尸祝主人之筵在室

中主婦之筵在房中北堂又云自三獻齋止至此儀節當與特牲參看自主人降拜眾賓至無算爵儀節當與饋尸參看自利洗齋至禮畢儀節仍當與特牲參看立文雖簡隆殺多寡之分備矣。設羞。秦氏懃田引敖氏云自賓長洗齋至此為賓三獻

右不饋尸者賓長三獻

主人降拜眾賓洗獻眾賓其薦齊其位其酬醑皆如饋禮

疏正義曰自此至及私人辨言主人備獻堂下并內賓之事。張氏爾岐云眾賓謂自上賓而下盛氏世佐云案薦脯醢也齊俎也位而階西南東面北上之位酬謂主人

酬長賓醑謂主人自酢于長賓先言酬而後醑文便也如饋禮者如其南面拜眾賓于門東

至賓西面坐奠爵于薦左之禮也主人洗獻兄弟與內賓

與私人皆如饋禮其位其薦齊皆如饋禮**疏**正義曰盛氏世佐云案其

位者兄弟位在洗東西面北上內賓位在房中私人位在兄弟之南如饋禮亦謂饋尸於堂之禮自升酌獻兄弟于

義豐巨庭卷四十一有司二

有元正禮
降階上至亦有薦齊是也今卒乃羞于賓兄弟內賓及私
案內賓亦兼宗婦言詳前
人辨白乃羞至私人之薦齊此亦與饋同者在此篇
日放氏云卒謂獻畢也獻畢即羞之亦其節之異於饋者
方氏苞云饋尸羞于旅酬後此獻畢即羞何也饋尸之旅
酬者再故俟尸與侑舉旅之後薦羞此無尸侑舉旅之節
則獻畢即羞可矣盛氏云案主人於獻之卒也入復戶內
西面位注云自乃羞至私人之薦齊此亦與饋同者在此
此篇者少半正祭至賓三獻而止乃羞以下四節皆是此
篤饋尸於堂之事故云與饋同者在此篇也云不饋尸則
祝猶侑耳者詳上乃羞節下云卒已也者爾雅釋詁文云
乃羞者羞庶羞者前饋尸設羞云乃羞庶羞于賓兄弟內
賓及私人故知此所羞亦庶羞無房中之羞也盛氏云以
上四節皆與饋禮
同而其節則異

右不饋尸者三獻後主人徧獻堂下并內賓之事

賓長獻于尸尸酌獻祝致酌賓以爵降賓于篚

致謂致爵於主人主

婦不言如初者齊疏正義曰此節言次賓長為加爵之事
不止又不及佐會疏賓長獻尸尸酌賓長賓長獻祝又
致爵于主人致爵于主婦又酢于主人凡六爵敖氏謂此
亦用觚不用爵說詳前儀尸者賓長獻于尸如初下王氏
士讓云案次賓長雖非尊既同助祭亦欲一獻以伸其敬
故於禮將終行之盛氏云案此禮與特牲眾賓長為加爵
同惟爵不止為異不稱加爵亦以大夫尊故也又云案上
經儀尸於堂之禮云賓長獻于尸如初無酒爵不止與此
禮相當其異者四事獻尸尸即酢之不待其獻致之畢一
也彼無祝此無侑二也致爵兼及主婦三也又酢於主人
四也今案特牲長兄弟眾賓長皆為加爵此無長兄弟加
爵之事與儀尸同注云不言如初者爵不止又不及佐
倉者此決上儀尸者賓長獻于尸言如初謂與上賓三獻
同此不儀尸者賓長獻于尸不言如初明與不儀尸者賓
三獻儀節有異故注明之案不儀尸者賓三獻尸者賓
止又賓獻兼及二佐會此皆與彼異故不言如初也

右不儀尸者次賓長為加爵

賓兄弟交錯其酬無算爵

此亦與儀同者在此篇

疏

正義曰此節言旅酬無算爵之

事。經云交錯其酬謂旅酬也與上償尸賓及兄弟交錯

其酬指無算爵言者異注云此亦與償同者在此篇者蓋

以上大夫旅酬無算爵皆於此篇堂上償尸時行之故云

與償同者在此篇係言禮之節限大槪如此非謂此經交

錯其酬與償尸同也賈疏泥於注說謂下大夫闕旅酬直

行無算爵敖氏疑經不言如償未詳皆非也上大夫償尸

於堂尸亦與旅以二人舉解于尸侑為發端此不償尸及

特牲則但言賓兄弟者以無尸侑主人與酬是不盡如償

也旅酬無算爵之禮特牲及此篇償尸言之特詳經於此

文略者亦以其儀節已詳具於彼讀者可參互以得之耳

盛氏云以特牲禮考之其第一番旅酬也賓取主人酬之

之解以酬長兄弟長兄弟酬眾賓長眾賓及眾兄弟交錯

以辯卒受者實解于筐所謂旅而階一解也第二番旅酬

則長兄弟取弟子所舉之解以酬賓其儀亦如之所謂旅

階一解也二番酬訖於是賓弟子兄弟之子各舉解於

其長而無算爵始矣此經云賓兄弟交錯其酬是亦謂賓

取主人酬解以酬長兄弟長兄弟取弟子所舉解以酬賓

二解先後迭舉而為二番旅酬也云無算爵則謂賓長兄

弟長各取其弟子所舉之解以相酬而二解並行也特是

賓長獻于尸之上亦當有兄弟弟子舉解於其長一條無

算爵之上亦當有賓弟子兄弟弟子各舉解於其長一條而文皆不具故啟後人不旅酬之議耳然詳味經文參觀諸禮其義未始不顯然也若謂不旅酬為辟人君禮則豈上大夫與士皆無所辟而下大夫獨當辟邪其說固不可通矣秦氏憇田云儻尸旅酬者再而後行無算爵尸侑在堂上與於旅酬而不與無算爵特牲與不儻尸祝主人皆在室中茲旅酬亦不與又無侑故無二人舉解及賓一人舉爵之事其旅也特賓與兄弟交相酬而已然亦有二番旅酬而後及無算爵特牲先旅而階一解次旅而階一解是也此經云交錯其酬亦謂二番旅酬方氏苞云旅酬之禮自天子達於士祭之大節也無算爵因旅酬而旁推之禮也廢旅酬而行無算爵則無其本矣王氏士讓云由獻而有酢由獻酢而有酬由酬而有旅由旅之爵有算以至於爵之無算若不行旅酬無由驟行無算爵也章氏平云案上下大夫儻尸不儻尸皆有旅酬與特牲同此經文略故總云交錯其酬其異者上大夫儻尸於堂尸亦與酬不儻尸則同特牲唯事尸於室尸不與酬又士不嫌與人君同旅酬得堂下各設尊大夫不敢同於君堂下旅酬亦與神靈共尊耳賈疏謂與神靈共尊故闕旅酬始未必然禮經釋例云上經儻尸之禮賓及兄弟交錯其酬皆遂及義禮正義卷四十一有司二

私人壽無算此專為無算壽也此經云賓兄弟交錯其酬者謂旅酬也云無算壽者謂無算壽也與上經壽無算承上文而言者不同考鄉射詳言無算壽之禮鄉飲酒則但云無算壽不復及其儀節亦此例是不償尸未嘗無旅酬也今案諸家辨正賈疏無旅酬之說甚是故詳錄之

右不償尸旅酬無算壽

利洗爵獻于尸尸酌獻祝祝受祭酒啐酒奠之

利獻不及主人殺也

此亦異疏正義曰此節言佐會為加壽之事。利獻尸亦於饋疏及祝與特性同盛氏云利謂上佐會也此與特牲禮異者祝不卒爵耳褚氏云償尸則賓獻祝祝奠爵而主人出此不償尸則利獻祝祝奠爵而主人出是室中之事將竟俱以祝之奠爵為節也注云利獻不及主人殺也者對上文賓長為加壽及主人言也云此亦異於償者少牢上篇及此篇償尸皆無佐會獻故云異於償也

右不償尸佐會為加壽

主人出立于阼階上面面祝出立于西階上東面祝告于

主人曰利成祝入主人降立于阼階東面尸謦祝前尸

從遂出于席門祝反復位于室中祝命佐會徹尸俎佐會

乃出尸俎于席門外有司受歸之徹阼薦俎自主人出至此與賓禘者

也先墓徹主人薦俎者變於土特牲疏正義曰注云自主

饋會禮曰徹阼俎豆籩設于東序下疏人出至此與賓禘

者也者賈疏謂有同有不同故云禘今案自主人出至祝

反復位於堂中與賓略同唯少牢言尸謦在主人降之前

為稍異耳又祝反復位於室中下少牢有主人入室復位

之文特牲亦有之此無者文偶不具耳敖氏以為脫非也

自祝命佐會徹尸俎以下則與賓異少牢上篇云祝命佐
會徹所俎降設于堂下阼階南此篇賓尸畢云司士歸尸
侑之俎者少牢以將賓尸故俎不出廟門未歸尸也賓尸
禮祝與佐會不與故歸俎皆司士為之特牲云命佐會徹
尸俎俎出于席門注亦引此經有司受歸之為證是此禮
與賓尸異與特牲同也云先墓徹主人薦俎者變於土者

有司正業... 案此徹昨薦俎亦與特牲同唯特牲暮畢乃徹此先暮徹之故注以變於上也引特牲禮者賈疏以為證徹薦俎所置之處敖氏云徹昨薦俎亦佐會為之既徹昨俎則堂下俎畢出與特牲禮同也秦氏蕙田云案此祝告利成徹俎歸俎徹昨俎與饋禮異者二事告利成於階上一也徹主人薦俎二也與特牲禮異者二事告利成於階上一也先餼徹主人薦俎二也

右不饋尸者禮終尸出

乃暮如饋 謂上篇自司宮設對席至 **疏** 正義曰古文暮此餼與出也古文暮作餼 **疏** 作餼詳特牲禮

右暮

卒暮有司官徹饋饌于室中西北隅南面如饋之設右几

屏用席 官徹饋者司馬司士舉俎宰夫取敦及豆此於尸

於此所以為厭飫不令婦人改徹饌敦豆變於始也向使官也佐會不舉羊豕俎親餼尊也屏隱也古文右作侑屏

作疏正義曰自此至篇末言陽厭之事。禮經釋例云凡
第尸既出室之後改饌于西北隅謂之陽厭詳特牲篇
末郝氏敬云儻尸則禮備而神厭足可無改設不儻尸於
是有改設之禮今案經云徹饌于室中西北隅者謂徹
前所饋改設西北隅饋即饋食饌亦設也南面如饋之設
右几者正祭設饋于奧東面此改設西北隅南面則與饋
異而云如饋之設亦謂如其陳設左右之次耳少牢正祭
授几于筵上右之此亦云右几明與饋同少牢又云改饌
豆簋于房中南面如饋之設彼注云如饋之設如其陳之
左右也饋設東面是其義也又特牲陽厭云几在南則亦
東面矣此南面菴氏云大夫禮異是也注云官徹饋者
司馬司士舉俎宰夫取敦及豆者以其經云官徹明不使
婦人必知司馬司士舉俎宰夫取敦及豆者以司馬到羊
明主羊俎司士擊豕明主豕俎又上主婦獻祝宰夫薦棗
糗又宰夫羞房中之羞是主婦之事多宰夫主之明此敦
及豆宰夫取之可知云此於尸設改饌當室之白孝子不
知神之所托庶其饗之於此所以爲厭飲者詳特牲陽厭
下云不令婦人改徹饌敦豆變於始也尙使官也者以少
牢初設饌主婦薦兩豆宗婦一人贊兩豆主婦設一敦宗
婦贊三敦是其始時婦人設之今不使婦人而使宰夫是
禮豐且健

有... 變於始也其變於始者尙使官故也云佐會不舉羊豕俎

親餽尊也者褚氏云此解所以佐會不徹而有司官徹之

義以其親餽尸餘尊之而不使徹今案特牲佐會徹尸俎

改設佐會不與餽故注云然云屏隱也者詳士虞禮屏用

席下云古文右作侑屏作弗者胡氏承琪云周禮大祝辨

九拜以享右祭祀鄭注謂右爲侑是右與侑通屏作弗者

如說文籒車祭也毛詩亦假借作弗鄭注禮經用其正字

故皆從今文今業段氏說文注云屈原賦隱思君兮屏側

屏蓋同屏然則非 納一尊于室中 陽厭穀 疏正義曰詳

亦屏之異文也 疏正義曰大射司宮壻所畫物

宮壻祭 壻豆開之祭舊說 疏是壻除之事司宮掌之 注

云壻豆開之祭者經世云壻祭故注明之謂此祭卽豆開

所祭會也引舊說者明壻後埋之敖氏云舊說謂埋祭於

而階東者據聘禮埋幣 主人出立于阼階上西面視執其

之處而言也詳聘禮

俎以出立于西階上東面司宮闔牖戶 神或者欲幽闔 疏

正義曰特牲佐會闔牖戶此司宮

闔牖戶者亦大夫之禮有異也 祝告利成乃執俎以出

闔牖戶者亦大夫之禮有異也

祝告利成乃執俎以出

闔牖戶者亦大夫之禮有異也

于廂門外有司受歸之

疏正義曰吳氏章句云兩告利成者先為事尸禮畢告之以終立

尸之意後則改饌室中告之以終尸未入祝饗之意也又

先告以為主人降立之節再告以為主人送賓之節制禮

之義其周密如此今案亦兩告利成與此同士虞改饌後

不再告利成詳特牲祝東面告利成下此云祝執俎以出

於廂門外是出門也上云眾賓出主人拜送于廂門外乃

祝執其俎以出則出室也亦拜送其長者上僎尸

反拜送賓者下大夫無尊賓也亦拜送其長者上僎尸

主人拜送尸于廂門外又云拜侑與長賓亦如之眾賓從

彼注云從者不拜送故謂此拜送者亦是拜送其長也云

不言長賓者下大夫無尊賓也者賈疏云下大夫賤無尊

賓故不別其長也吳氏云注以此經不言長遂謂無尊賓

則前所謂賓長獻者誰之賓邪此說未確今案僎尸有尸

侑故於其出也拜送尸與侑與長賓皆別拜之此無尸侑

故於眾賓之出總一拜送而已又上大夫位崇拜送賓但

拜其長不拜眾賓少牢上餽興出主人送不言拜可證也

至下大夫則皆拜之故經不別言婦人乃徹房中薦俎不

長非無尊賓之謂也注說似泥

婦人乃徹房中薦俎不

徹房中薦俎不

徹房中薦俎不

徹房中薦俎不

徹房中薦俎不

徹房中薦俎不

徹房中薦俎不

徹房中薦俎不

徹房中薦俎不

徹房中薦俎不

使有司者下疏正義曰前徹薦俎不使婦人者以祭未畢

上大夫之禮疏有司尚有事於室中也至是眾賓有司皆

退然後婦人入徹婦人即婦贊者之屬也注云徹祝之

薦及房中薦俎者正祭尸俎佐食徹以出其俎釋三个及

敦豆之薦俱改設為陽厭昨薦俎亦已徹祝俎又自執以

出故唯祝之薦在耳房中薦俎及主婦薦俎凡羞陳之物

皆統之矣特牲云宗婦徹祝豆簋入于房徹主婦薦俎是

注說所本也云不使有司者上下大夫之禮也者謂下於

上大夫之禮也案上大夫祭畢將饋尸有司徹賓尸禮終

亦有司徹今不使有司而使婦人與士禮略同是下於上

大夫徹室中之饌疏正義曰此徹室中之

也夫徹室中之饌有司饌之外內相兼禮殺疏之饌亦婦人徹之

室中之饌即上有司官徹饌饌於室中西北隅者也故注

云有司饌之婦人徹之云外內相兼禮殺者外謂有司內

謂婦人二者兼為之不使有司終始其事是禮殺於賓尸

也故氏謂婦人乃徹其事在下即指徹室中之饌言之注

氏云當如注以上下兩句分言房中室中之饌今案上注

兼云徹祝之薦則即意不以婦人乃徹向為專指房中言

人徹故并言之。敖說褚說俱非。特牲陽厭改設之饌當亦
婦人徹之。經不言者以已見於此也。○姜氏兆錫云陽厭
儻尸禮無今案自卒餽以
下與特牲禮略同而小異

右不儻尸者爲陽厭

卷四十終